

EXD 178(AI)

Llywodraeth Cymru

Penderfyniad Gweithredu'r Comisiwn (UE) 2018/1136

Rheoliadau Ffliw Adar (Mesurau Atal) (Cymru) 2006

Trwydded gyffredinol i drefnu ffair, marchnad, sioe, arddangosfa neu grynhoad arall sy'n cynnwys casglu at ei gilydd adar caeth yng Nghymru

1) Yn unol â rheoliad 6(1) o Reoliadau Ffliw Adar (Mesurau Atal) (Cymru) O.S. 2006/2803 (Cy. 242) ("Rheoliadau 2006" neu "Reoliadau 2006"), mae Gweinidogion Cymru yn rhoi'r drwydded gyffredinol hon sy'n caniatáu crynhoi adar caeth, ar yr amod fod y trwyddedai yn cydymffurfio â'r amodau yn yr Atodlen, ac eithrio:

- adar *galliforme* (gan gynnwys ffesantod, petris, soffleir, ieir, tyrcwn, ieir Gini);
- adar *anseriforme* (gan gynnwys hwyaid, gwyddau, elyrch);
- adar sy'n cael eu magu neu'n cael eu cadw mewn caethiwed i gynhyrchu cig neu wyau i'w bwyta, cynhyrchu cynhyrchion masnachol eraill, ar gyfer ailstocio cyflenwadau o adar hela neu at ddibenion unrhyw raglen fridio ar gyfer cynhyrchu'r categorïau hyn o adar

2) Mae asesiad risg milfeddygol wedi cael ei gynnal yn unol â rheoliad 6(3)(a) o Reoliadau 2006.

3) Mae Gweinidogion Cymru yn fodlon (yn ddarostyngedig i'r amodau yn yr Atodlen), na fydd crynhoi a symud adar i grynoadau, ac oddi yno, yn cynyddu'n sylweddol y risg o drosglwyddo feirws y ffliw adar.

4) Mae'r drwydded gyffredinol hon yn berthnasol i'r broses o gasglu adar caeth (ac eithrio'r rhai a restrir ym mharagraff 1) mewn ffeiriau, marchnadoedd, sioeau, arddangosfeydd a chrynoadau eraill sydd i'w cynnal ar ôl 12:00 ar 10 Chwefror 2025, yn ddarostyngedig i'r amodau yn yr Atodlen.

5) Mae'r drwydded gyffredinol hon yn berthnasol yn yr ardaloedd risg uwch (HRS) a nodwyd gan Weinidogion Cymru o dan Benderfyniad Gweithredu'r Comisiwn (UE) 2018/1136 fel rhanddirymiad rhag y gwaharddiad ar gynnal crynodiadau mewn ardaloedd risg uwch fel y'i awdurdodwyd gan Weinidogion Cymru o dan Erthygl 4(4)(e) y Penderfyniad hwnnw.

6) Mae asesiad epidemiolegol wedi'i gynnal yn unol ag Erthygl 4(1) o'r Penderfyniad.

7) Mae'r Drwydded Gyffredinol ar gyfer Dofednod (dyddiedig 24 Medi 2024) a'r Drwydded Gyffredinol ar gyfer Adar Caeth (dyddiedig 26 Ebrill 2024) drwy hyn yn cael eu dirymu ar 12:00 ar 10 Chwefror 2025

8) Caiff Gweinidogion Cymru ddiwygio, atal dros dro neu ddirymu'r drwydded gyffredinol hon unrhyw bryd yn unol â rheoliad 3(1) o Reoliadau 2006, gan ddod i rym yn syth os bydd yr asesiad risg milfeddygol yn newid mewn perthynas â'r risg y bydd y feirws ffliw adar yn ymledu.

Llofnodwyd gan Richard Irvine, Prif Swyddog Meddygol Cymru

Dros ac ar ran Gweinidogion Cymru:

Ar 12:00 ar 10 Chwefror 2025

Mae peidio â chydymffurfio â'r drwydded hon yn drosedd dan Reoliadau 2006 a gall person a geir yn euog wynebu dirwy a/neu garchar o dan adran 73 o Ddeddf Iechyd Anifeiliaid 1981.

Atodlen amodau

Cyffredinol a dehongli

1. Yn yr Atodlen hon:

- “trwyddedai” yw’r sawl sy’n trefnu’r crynhoad adar ac sy’n gyfrifol am gydymffurfio ag amodau’r drwydded hon;
- mae “digwyddiad” yn term arall a ddefnyddir yn yr Atodlen hon ar gyfer un crynhoad;
- “cyfranogwr” yw unigolyn sy’n dod ag adar i grynhoad neu’n eu symud o gwrtil crynhoad ar ôl y digwyddiad;
- “cwrtil” y crynhoad yw’r holl fannau yn y fangre neu’r cerbyd sy’n cael eu defnyddio ar gyfer crynhoad, sy’n cynnwys mannau lle mae cynnyrch dofednod ac adar byw yn cael eu cadw, a mannau lle mae gwastraff (fel sarn, tail neu ddeunydd gwastraff arall sy’n dod o anifeiliaid) yn cael eu storio;
- mae “mangre” yn cynnwys unrhyw dir, adeiladau neu fan arall. Fel nad oes amheuaeth, mae hyn yn golygu pob man cyhoeddus neu breifat, fel meysydd parcio, tir diffaith a chilfannau.
- mae “cerbyd” yn cynnwys trelar, lled-drelar neu rywbeth arall a ddyluniwyd neu a addaswyd i gael ei dynnu gan gerbyd arall; rhan o unrhyw gerbyd y gellir ei datgysylltu; a chynhwysydd neu strwythur arall a ddyluniwyd neu a addaswyd ar gyfer ei gario ar gerbyd.
- mae “arbenigwr adar” yn berson a enwir sydd wedi’i benodi gan y trwyddedai ac sy’n geidwad adar profiadol sydd â phrofiad o’r aderyn/adar sy’n dod i’r crynhoad. Mae’n rhaid bod gan y person ddigon o brofiad i allu adnabod arwyddion afiechyd.
- Y “categoriâu penodol o adar” yw:
 - i) adar *galliforme* (gan gynnwys ffesantod, petris, soffleir, ieir, tyrcwn, ieir Gini);
 - ii) adar *anseriforme* (gan gynnwys hwyaid, gwyddau, elyrch);
 - iii) adar sy’n cael eu magu neu’n cael eu cadw mewn caethiwed i gynhyrchu cig neu wyau i’w bwyta, cynhyrchu cynhyrchion masnachol eraill, ar gyfer ailstocio cyflenwadau o adar hela neu at ddibenion unrhyw raglen fridio ar gyfer cynhyrchu’r categorïau hyn o adar

Hysbysu

- #### 2.
- Rhaid i’r trwyddedai hysbysu’r Asiantaeth Iechyd Anifeiliaid a Phlanhigion (APHA) o leiaf saith niwrnod cyn y digwyddiad.

3. Rhaid i unrhyw hysbysiad a fydd yn cael ei gyflwyno i APHA gynnwys yr wybodaeth ganlynol o leiaf:
 - (a) y dyddiad (neu'r ystod o ddyddiadau) y bydd y crynhoad adar yn digwydd;
 - (b) lleoliad y crynhoad, yn cynnwys cyfeiriad post llawn a'r cod post, a rhif y daliad (CPH) (os yw'n berthnasol);
 - (c) manylion y trwyddedai, yn cynnwys enw llawn y person cyswllt, cyfeiriad cyswllt, rhif ffôn a chyfeiriad e-bost (os yw ar gael);
 - (d) y nifer a'r math(au) o adar a ddisgwylir yn y crynhoad; a
 - (e) diben neu ddibenion y crynhoad.
4. Os bydd unrhyw newidiadau i'r wybodaeth a ddarperir yn amod 3, pwyntiau (a), (b), (c) neu (e) neu unrhyw newidiadau arwyddocaol o dan (d) sy'n digwydd rhwng cyflwyno'r hysbysiad ac unrhyw ddigwyddiad, rhaid rhoi gwybod i APHA cyn gynted ag y bo modd cyn y digwyddiad.
5. Os yw'r digwyddiad ar ffurf masnachu rheolaidd neu werthiant o bell neu dros y rhyngwrdd, rhaid i'r fangre ac unrhyw gerbydau a ddefnyddiwyd gan y trwyddedai ar gyfer crynhoi'r adar yn dilyn y cyfryw werthiant gael ei gofrestru ag APHA, a rhaid i'r trwyddedai roi gwybod i APHA yn flynyddol o leiaf ba mor aml y cynhelir gwerthiannau o'r fath a'u maint.

Bioddiogelwch

6. Rhaid i'r trwyddedai gymryd pob cam rhesymol i atal clefyd adar hysbysadwy rhag lledaenu i'r fangre neu'r cerbyd, o fewn y fangre neu'r cerbyd ac oddi ar y fangre neu'r cerbyd lle mae'r crynhoad yn cael ei gynnal.
7. Rhaid i drwyddedai unrhyw ffair, marchnad, sioe neu arddangosfa ddarparu cyngor am fioddigolwch i bob cyfranogwr cyn y cyfryw ddigwyddiad. Rhaid i'r cyngor hwnnw gynnwys:
 - (a) argymhelliad y dylai adar gael archwiliad iechyd cyn teithio i unrhyw grynhoad;
 - (b) cyngor y dylai unrhyw adar sy'n teithio o grynhoad i fangre (boed y fangre y daethant ohoni neu leoliad newydd) gael eu cadw oddi wrth adar eraill yn y fangre honno a bod eu hiechyd yn cael ei fonitro am o leiaf wythnos ar ôl hynny; a
 - (c) gofyniad bod ceidwad unrhyw adar mewn crynhoad wedi'i cofrestru gyda'r Asiantaeth Iechyd Anifeiliaid a Phlanhigion ar y Gofrestr Adar Cadw
8. Rhaid i'r trwyddedai beidio â chaniatáu i unrhyw gaets, crât, basged, neu gynhwysydd arall ddod i grynhoad pan ellir gweld ei fod wedi'i halogi â thail adar, neu ddeunydd arall sy'n dod o adar, ac eithrio tail a gynhyrchir wrth i'r adar gael eu cludo i'r crynhoad. Rhaid i'r trwyddedai hysbysu'r holl gyfranogwyr ymlaen llaw am y gofyniad hwn, yn ei lenyddiaeth hysbysebu, ar ffurflenni cofrestru neu drwy unrhyw ddull priodol

arall.

9. Rhaid i'r holl arwynebau solet sy'n agored i adar neu eu tail gael eu glanhau a'u diheintio'n drwyadl gan y trwyddedai cyn gynted ag sy'n ymarferol ar ôl i'r adar adael y crynhoad a chyn y digwyddiad nesaf. Mae'r arwynebau hyn yn cynnwys, ymhlith rhai eraill, lloriau caled, concrit, mannau wedi'u tarmacio neu eu palmantu, lloriau, waliau, byrddau a cherbydau a ddefnyddiwyd yn y digwyddiad. Oni ellir glanhau a diheintio man (mannau glaswelltog er enghraifft), ni cheir cynnal crynhoad arall nes y bydd yn cael ei awdurdodi'n ysgrifenedig gan APHA.
10. Rhaid i'r trwyddedai:
 - a) sicrhau na fydd adar yn cael mynediad i grynhoed oni bydd y cyfranogwr yn datgan nad ydynt yn dod o fangre neu ardal sydd o dan gyfyngiadau sy'n gysylltiedig â chadarnhad o bresenoldeb clefyd adar hysbysadwy, gan gynnwys o unrhyw Barth rheoli clefyd dros dro sydd wedi'i osod gan Weinidogion;
 - b) sicrhau bod milfeddyg ar gael i ymbresenoli ar fyr rybudd gydol yr amser y bydd adar yn bresennol yn y digwyddiad a rhaid i'r trwyddedai ymgynghori â'r milfeddyg hwnnw os bydd adar yn dangos arwyddion afiechyd neu os bydd problem ynghylch eu lles;
 - c) sicrhau bod yr adar pan fyddant yn cyrraedd lleoliad y digwyddiad yn cael eu cadw ar wahân i'r holl adar eraill yn y digwyddiad nes bod arbenigwr adar, fydd wedi'i ddynodi gan y trwyddedai, wedi archwilio pob aderyn unigol;
 - d) sicrhau yr hysbysir APHA yn syth am unrhyw adar sy'n methu'r archwiliad neu sy'n dangos arwyddion clinigol clefyd adar hysbysadwy yn ystod y digwyddiad. Rhaid rhwystro'r cyfryw adar rhag cymryd rhan yn y digwyddiad a rhaid eu cadw ar wahân i adar eraill nes bod milfeddyg wedi'u harchwilio a bod APHA wedi rhoi ei awdurdod ysgrifenedig iddynt gael gadael y crynhoad;
 - e) sicrhau bod deunydd gwastraff, gan gynnwys unrhyw fwyd y gall unrhyw adar fod wedi mynd ato, a phob sarn, tail, carcass adar neu ddefnydd arall sy'n dod o adar ac sydd wedi'i adael ar ôl ar ddiwedd y digwyddiad yn cael eu:
 - i. gwaredu fel na all adar (yn cynnwys adar gwyllt) fynd atynt (dylai hyn gynnwys defnyddio bagiau dwbl, a'u cludo ymaith yn ddiogel gan gwmni gwastraff trwyddedig addas), neu
 - ii. trin er mwyn cael gwared â'r risg o drosglwyddo clefyd; a
 - iii. bod unrhyw ardaloedd lle canfuir y cyfryw ddeunydd yn cael eu glanhau a'u diheintio'n briodol hefyd;
 - f) sicrhau bod unrhyw gaetsys, cratiau, basgedi, corlannau neu gynwysyddion arall na chawsant eu symud o'r fangre neu gerbyd a ddefnyddir ar gyfer y fangre gan y rheini a ddaeth i'r crynhoad yn cael eu glanhau a'u diheintio cyn gynted ag y bo'n rhesymol ymarferol ar ôl diwedd y crynhoad ac ym mhob achos cyn iddynt gael eu defnyddio eto;
 - g) sicrhau bod cyfleusterau glanhau a diheintio (er enghraifft, cyfleusterau golchi dwylo, matiau diheintio a dipiau traed) ar gael i gyfranogwyr ac ymwelwyr yn y safle, a bod cyfranogwyr yn glynu wrth arferion boddlogelwch da; a

- h) sicrhau nad oes neb y gellir gweld ei fod wedi'i heintio â thail, plu neu ddeunydd arall sy'n dod o adar yn cael dod i mewn i ardal yr adar nes y ceir gwared â'r cyfryw halogiad.

Lleoliad y crynhoad

11. Rhaid peidio â lleoli'r crynhoad mewn unrhyw Barth Gwarchod, Parth Gwyliadwriaeth, Parth Rheoli Dros Dro, Parth Rheoli (Monitro) Adar Caeth, Parth Cyfyngu ar Symud Dros Dro neu Ardal o dan Gyfyngiadau Ffliw Adar Pathogenig Isel. Os caiff y cyfryw barth ei ddatgan yn ystod y crynhoad, rhaid rhoi'r cynllun wrth gefn ar waith yn syth (gweler amod 15 isod) a gofyn am gyngor gan APHA.

Cadw cofnodion

12. Rhaid i'r trwyddedai fynnu bod yr holl gyfranogwyr sy'n dod ag adar i'r crynhoad, heblaw am gyfranogwyr sy'n dod â cholomennod rasio i râs colomennod, yn llenwi ac yn dychwelyd ffurflen ddatgan wedi'i llofnodi cyn caniatáu mynediad i fannau lle mae adar byw yn cael eu cadw neu'n cael eu crynhoi, gan gadarnhau:
- a) eu bod wedi darllen yr wybodaeth am fioddiogelwch a gafodd ei darparu ac y byddant yn cydymffurfio â'r gofynion o ran bioddiogelwch;
 - b) nad yw'r adar hyd eithaf eu gwybodaeth wedi bod mewn cysylltiad ag unrhyw gyfrwng clefyd adar hysbysadwy ac nad ydynt yn dangos unrhyw arwyddion eu bod wedi'u heintio;
 - c) cyfeiriad y fangre y daeth yr adar ohoni, gyda chadarnhad nad yw'r adar yn dod o fangre mewn Parth Gwarchod, Parth Gwyliadwriaeth, Parth Rheoli Dros Dro, Parth Cyfyngu ar Symud Dros Dro neu barth arall sy'n rheoli clefyd adar hysbysadwy; a
 - d) bod y fangre y daeth yr adar ohoni wedi'i chofrestru gydag APHA ar y Gofrestr Adar Cadw a'u bod wedi rhoi manylion y rhif CPH (os yn gymwys).
13. Rhaid i'r trwyddedai gadw cofnod o'r holl bobl sy'n dod ag adar i'w grynhoi, neu sy'n mynd â'r cyfryw adar o'r crynhoad, a chadw'r cofnod hwnnw am o leiaf dri mis ar ôl y digwyddiad. Rhaid i'r trwyddedai gyflwyno'r cofnodion hyn ar gais arolygydd APHA neu arolygydd Awdurdod Lleol. Rhaid i'r cofnod gynnwys yr wybodaeth ganlynol o leiaf:
- a) enw llawn;
 - b) cyfeiriad cartref gan gynnwys y cod post a manylion y fangre y daeth yr adar ohoni os yw'n wahanol i'r cyfeiriad cartref;
 - c) rhifau ffôn (llinell dir a/neu symudol);
 - d) cyfeiriad e-bost (os yw ar gael);
 - e) y nifer a'r math(au) o adar a gafodd eu harddangos, eu rasio, eu hailgartrefu, eu

prynu neu eu gwerthu, manylion o ble daeth yr adar a chyrchfan yr adar; a

f) y datganiad wedi'i lofnodi y cyfeirir ato yn amod 12 (sy'n ofynnol gan bob cyfranogwr heblaw'r rheini sy'n dod â cholomennod rasio i rês golomennod).

14. Fel amod ar gyfer cael mynediad i bob digwyddiad neu grynhoad, rhaid i'r trwyddedai fynnu bod yr holl gyfranogwyr yn archwilio'u hadar am unrhyw haint cyn ymadael â'r digwyddiad neu grynhoad.

Cynllun Wrth Gefn

15. Rhaid bod gan y trwyddedai gynllun wrth gefn ysgrifenedig ar waith a bydd ar gael ar gyfer ei archwilio. Bydd yn nodi beth fydd yn digwydd os amheuir neu y ceir cadarnhad bod achos o glefyd adar hysbysadwy yn y digwyddiad neu gerllaw iddo. Rhaid i'r cynllun gynnwys:

- a) sut y bydd adar yr amheuir bod clefyd adar hysbysadwy arnynt yn cael eu gwahanu oddi wrth adar eraill;
- b) os amheuir bod clefyd adar hysbysadwy yn y crynhoad, rhaid i'r cynllun esbonio sut bydd adar yn cael eu cadw yn y fangre neu'r cerbyd a ddefnyddir ar gyfer y crynhoad nes bod Arolygydd Meddygol APHA wedi rhoi cyfarwyddyd bod adar yn cael gadael y fangre; a
- c) trefniadau i gadw adar ym mangre'r digwyddiad neu'r cerbyd a ddefnyddir ar gyfer y crynhoad os oes cyfyngiadau ar symudiadau oddi yno am y bydd y crynhoad yn symud i le mewn parth rheoli clefyd adar hysbysadwy.

Nodiadau

1. Mae'r rheolau statudol ar grynoadau adar yn berthnasol i bawb sy'n cadw adar, pa un a yw'r adar yn cael eu cadw'n fasnachol, fel hobi neu fel adar anwes.
2. Bwriad rheoli crynoadau adar yw lleihau'r risg o ledaenu feirws fflw adar sydd heb ei ganfod. Mae rheoliad 6 o Reoliadau Mesurau Atal Fflw'r Adar 2006 yn gwahardd casglu dofednod neu adar caeth eraill ynghyd oni bydd Gweinidogion Cymru wedi trwyddedu hynny. Mae Rheoliad 4(4) o Benderfyniad Gweithredu'r Comisiwn (EU) 2018/1136 yn caniatáu crynoadau dim ond os oes mesurau bioddiogelwch boddhaol ar waith i atal y risg o drosglwyddo clefyd. Mae'r drwydded hon yn cwmpasu amrywiaeth o sefyllfaoedd lle mae adar yn cael eu casglu ynghyd a bwriad y testun a ganlyn yw helpu ceidwaid adar i ddeall a yw'r rheolau hyn yn berthnasol i'w gweithgarwch hwy.
3. Mae'r nodweddion canlynol yn dangos bod crynhoad adar yn cael ei gynnal:
 - bod adar o leoliadau gwahanol yn cael eu dwyn ynghyd i leoliad y crynhoad, a'u bod yn cael eu symud wedyn i gyrchfan all fod y lleoliad y daethant ohono neu leoliad newydd.
 - Bod adar yn aros yn lleoliad y crynhoad am 14 diwrnod neu lai, wedi i'r aderyn olaf gyrraedd.
4. Dyma enghreifftiau o grynoadau:
 - ffeiriau, marchnadoedd, sioeau, gwerthiannau neu arddangosfeydd adar
 - colomennod sy'n cael eu crynhoi ynghyd, gan gynnwys cerbydau neu gorlannau rhyddhau, ar gyfer rasio colomennod
 - crynhoad o adar hela gwyllt (pan maent yn dod o nifer o leoliadau i un lleoliad ac yn cael eu symud wedyn i fangre wahanol)
 - symud adar (ac eithrio lle mae'r symud yn syth i'r lladd-dy), gwerthu adar neu ailgartrefu adar, gan gynnwys drwy fasnachu neu werthu ar y rhyngwrwyd, 'gwestai' ieir (lle mae adar yn cael eu cadw dros dro mewn man nad wy'n fangre arferol iddynt) lle mae adar (pa un ai'r rhain sy'n cael eu gwerthu neu beidio) wedi dod i'r fangre yn ystod y 14 diwrnod blaenorol
 - adar o nifer o leoliadau sydd wedi dod ar gerbyd ac yna eu gollwng mewn nifer o leoliadau eraill
 - dofednod (gan gynnwys adar *anseriforme* neu *galliforme*) neu wyau deor o un fangre sy'n cael eu cludo i leoliad gwahanol i'w dangos mewn sioe, eu harddangos, eu gwerthu a lle mae adar caeth eraill hefyd yn bresennol e.e. arddangosfa heboga. Ystyrir bod y crynhoad hwn yn grynhoed dofednod.
5. Er eglurder, nid ydym yn ystyried bod y canlynol yn grynoadau adar:
 - casglu adar mewn lladd-dy trwyddedig ar gyfer eu lladd

- adar sy'n cael eu dwyn ynghyd o leoliadau gwahanol, ond lle nad oes dim adar yn gadael tan i fwy na 14 diwrnod fynd heibio ers i'r aderyn olaf gyrraedd y fangre
- gwerthu adar fel masnachwr neu dros y rhynggrwyd pan nad oes dim adar yn gadael tan i fwy na 14 diwrnod fynd heibio ers i'r aderyn olaf gyrraedd y fangre (gwaherddir gwerthu adar anwes gan ddeliwr masnachol mewn unrhyw ran o stryd neu fan cyhoeddus, neu mewn stondin neu ferfa drol mewn marchnad yn unol ag Adran 2 o Ddeddf Anifeiliaid Anwes 1951)
- lle mae'r holl adar sydd wedi cael eu crynhoi wedi dod o'r un fangre ac yn dychwelyd i'r fangre honno wedyn
- gwerthu adar sydd i gyd wedi dod o'r un fangre (arwerthiant gwasgaru neu 'ailgartrefu')
- casglu adar hela gwyllt yn ystod y tymor agored perthnasol pan maent wedi dod o sawl lleoliad ond yn cael eu symud wedyn i un lleoliad, ac yn aros yno ar gyfer bridio a dibenion eraill
- sioe sy'n cynnwys wyau bwyta yn unig

Nid yw nodiadau 4 a 5 yn rhai cynhwysfawr.

6. Er nad oes angen trwydded ar gyfer digwyddiadau nad ydynt yn grynoadau, mae'n arfer gorau mabwysiadu mesurau bioddiogelwch a chadw cofnod o symudiadau adar i'r fangre ac oddi arni neu ar gerbyd ac oddi arno.
7. Os nad ydych yn siŵr a oes angen trwydded ar gyfer eich gweithgarwch, gall APHA roi rhagor o gyngor.
8. Mae Erthygl 11 (colomennod rasio) o Orchymyn Clefydau Dofednod (Cymru) 2003 yn ei gwneud yn ofynnol:

“(1) Rhaid i drefnydd sioe neu ras sy'n cael ei chynnal yn gyfan gwbl neu'n rhannol yng Nghymru sicrhau bod pob colomen rasio sydd wedi'i chofnodi ar gyfer ras neu'r sioe wedi'i brechu yn erbyn paramycsofirws 1 mewn colomennod.

(2) Rhaid i bob person sy'n berchennog ar golomennod rasio neu'n eu cadw gadw cofnod o bob ras neu sioe y mae'n rhoi colomennod ynddynt.

9. Mae Rheoliadau 2006 yn cynnwys y diffiniadau a ganlyn—

ystyr “aderyn caeth arall” (“*other captive bird*”) yw unrhyw aderyn a gedwir yn gaeth ac nad yw'n ddofednyn ac mae'n cynnwys aderyn anwes ac unrhyw aderyn a gedwir ar gyfer sioeau, rasmus, arddangosfeydd, cystadlaethau, bridio ac i'w werthu;

ystyr “dofednod” (“*poultry*”) yw'r holl adar sy'n cael eu magu neu eu cadw'n gaeth i gynhyrchu cig neu wyau i'w bwyta, cynhyrchu cynhyrchion masnachol eraill, i ailstocio cyflenwadau adar hela neu at ddibenion unrhyw raglen fridio ar gyfer cynhyrchu'r categorïau adar hyn;

Ond nid yw dofednod yn cynnwys unrhyw aderyn sy'n cael ei gadw at ddibenion un aelwyd, lle nad oes gan yr aderyn na'i geidwad gyswllt uniongyrchol nac anuniongyrchol â dofednod eraill neu gyfleusterau dofednod, a defnyddir yr aderyn a chynnyrch yr aderyn yn gyfan gwbl o fewn ac at ddibenion yr un aelwyd.

10. Mae Strategaeth Rheoli Clefydau Adar Hysbysadwy ar gyfer Prydain Fawr yn diffinio 'clefyd adar hysbysadwy' fel Ffliw Adar a Chlefyd Newcastle.
11. Mae Gorchymyn Clefydau Dofednod (Cymru) 2003 yn diffinio "colomen rasio" i olygu unrhyw golomen sy'n cael ei chludo neu y bwriedir ei chludo o'i cholomendy (sef unrhyw adeilad sy'n cael ei ddefnyddio ar gyfer cadw neu fridio colomennod rasio) i'w rhyddhau er mwyn iddi allu hedfan yn ddirwystr yn ôl i'w cholomendy neu i unrhyw gyrchnod arall.
12. Mae diheintyddion sydd wedi'u cymeradwyo i'w defnyddio yn erbyn clefydau dofednod yn cael eu rhestru yn www.gov.uk/guidance/defra-approved-disinfectant-when-and-how-to-use-it
13. Rhaid i unrhyw un sydd ym meddiant unrhyw aderyn neu garcas aderyn, ac yn amau y gallai fod wedi'i heintio â chlefyd adar hysbysadwy, roi gwybod yn syth i'r Asiantaeth Iechyd Anifeiliaid a Phlanhigion www.gov.uk/apha
14. Rhaid cydymffurfio â gofynion perthnasol Gorchymyn Lles Anifeiliaid (Cludo) (Cymru) 2007 a/neu Orchymyn Cludo Anifeiliaid (Glanhau a Diheintio) (Cymru) (Rhif 3) 2003.
15. Mae rhagor o gyngor ar fesurau bioddiogelwch ac unrhyw ddeddfwriaeth a all fod yn berthnasol ar gael gan Lywodraeth Cymru, yn GOV.UK neu gan APHA.

Cysylltu ag APHA

16. Gellir cysylltu ag APHA drwy'r
 - Ganolfan Cyngor i Gwsmeriaid yn customeradvice@apha.gov.uk; neu drwy'r
 - Llinell gymorth ar gyfer cwsmeriaid yng Nghymru **0300 303 8268**